



Broj: 0101-6999/25

Sarajevo, 28. 11. 2025. godine

Na osnovu člana 36. stav (2) i stav (4), člana 44., člana 45., i člana 46. stav (2) Zakona o radu („Službene novine Federacije BiH“, br. 26/16, 89/18, 44/22, i 39/24), člana 51. stav (3) i stav (6) Pravilnika o radu Univerziteta u Sarajevu (broj: 02-2-4-1/24 od 30. 01. 2024. godine), člana 71. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22 i 28/25), člana 115. Statuta Univerziteta u Sarajevu (broj: 01-14-35-1/23 od 26. 07. 2023. godine), dekan Univerziteta u Sarajevu-Farmaceutskog fakulteta donosi sljedeću

ODLUKU O RASPOREDU RADNOG VREMENA ZA PORTIRE

I

Ovom Odlukom utvrđuje se raspored radnog vremena za portire Univerziteta u Sarajevu – Farmaceutskog fakulteta, kojim se radno vrijeme preraspodjeljuje na šest radnih dana sedmično, od ponedjeljka do subote, u okviru punog radnog vremena od 40 sati sedmično.

II

Raspored se organizuje tako da ukupno radno vrijeme ne prelazi 40 sati sedmično.

U skladu sa članom 44. Zakona o radu („Službene novine Federacije BiH“, br. 26/16, 89/18, 44/22, i 39/24) radnik koji radi duže od šest sati dnevno, ima pravo na odmor u toku radnog dana u trajanju najmanje od 30 minuta.

III

Rad portira se organizuje u dvije smjene:

- Prva smjena: 07:00 – 14:10 (7 sati i 10 minuta ukupno, sa pauzom od 30 minuta)
- Druga smjena: 14:10 – 21:20 (7 sati i 10 minuta ukupno, sa pauzom od 30 minuta)

IV

Radna sedmica traje od **ponedjeljka do subote**, dok je **nedjelja dan sedmičnog odmora**.

S obzirom na to da je subota obuhvaćena preraspodijeljenim radnim vremenom unutar zakonski dozvoljenih 40 sati sedmično, rad u subotu **ne smatra se radom na dan sedmičnog odmora i ne podliježe dodatnom plaćanju**, osim ako radni sati prelaze 40 sati sedmično ili ako se rad obavlja na dan koji je za pojedinog radnika utvrđen kao dan odmora.

V

U slučaju potrebe za radom izvan utvrđenog rasporeda, kao što su dežurstva, vanredne okolnosti ili smjene koje dovode do prelaska 40 sati sedmično, takav rad se smatra **prekovremenim** i obračunava se i plaća u skladu sa Zakonom o radu i Kolektivnim ugovorom.



VI

Ova odluka ne mijenja Ugovore o radu zaključenih sa zaposlenim portirima, već predstavlja organizacionu mjeru u cilju efikasnijeg odvijanja procesa rada u skladu s potrebama Fakulteta. Raspored radnika raspoređenih na radno mjesto Portir utvrđivat će se za svaki mjesec pojedinačno posebnom odlukom.

VII

Ova Odluka stupa na snagu danom donošenja, a primjenjuje se počevši od 01. 12. 2025. godine.

Obrazloženje

Članom 51. stav (3) i stav (6) Pravilnika o radu Univerziteta u Sarajevu (broj: 02-2-4-1/24 od 30. 01. 2024. godine) propisano je da se radno vrijeme radnika koji obavljaju pomoćno-tehničke poslove može organizirati u smjenama, kao i subotom i nedjeljom.

Na osnovu članova 36. stav (2) i (4), 44., 45. i 46. stav (2) Zakona o radu („Službene novine Federacije BiH“, br. 26/16, 89/18, 44/22 i 39/24), koji regulišu radno vrijeme, preraspodjelu radnog vremena, pravo na odmor i obračun prekovremenog rada, utvrđuje se mogućnost organizacije rada u smjenama i rad subotom unutar zakonskih okvira.

S obzirom na potrebu rada subotom zbog održavanja ispitnih rokova, te u cilju efikasnijeg i nesmetanog odvijanja nastavnog i administrativnog procesa na Fakultetu, donesena je Odluka kao u dispozitivu.

Sekretar Univerziteta u Sarajevu -Farmaceutskog fakulteta potvrđuje da je Odluka u skladu sa zakonskim i podzakonskim propisima koji su na snazi, te da je Dekan Univerziteta u Sarajevu- Farmaceutskog fakulteta nadležan za donošenje iste shodno članu 71. Zakona o visokom obrazovanju („Službene novine Kantona Sarajevo“, broj 36/22 i 28/25), Maja Skopljak, MA, dipl. iur.

DEKAN

Prof. dr. Fahir Bečić

Dostaviti:

1. Amel Vatreš
2. Samir Katica
3. Web stranica
4. Arhiva Fakulteta.